

ARREST
DE LA COUR
DE PARLEMENT

Toutes les Chambres assemblées ,
PORTANT RENVOY ET DESCHARGE
de l'accusation contre Mess^{rs} de Vendosme Duc
de Beaufort , Gondy Coadjuteur ,
Broussel & Charreton.

Du vingt-deuxième Janvier mil six cens cinquante.



A PARIS,
Par les Imprimeurs & Libraires ordinaires
du Roy.

M. DC. L.

Avec Privilege de sa Majesté.

A R R E T

DE LA COUR

DE PARLEMENT

Touttes Chambres Assemblée

PORTEANT RENVOY ET DESCHARGE

de l'accusation contre M^{rs} de Vendôme Duc

de Brantôme, Comte de Rochefort

Prince de Charost

Donné le 10 Mars 1725



A PARIS

Par les Imprimeurs & Libraires ordinaires

du Roy

M. DC. L.

Ant. Veuve de la Haye



EXTRAICT DES REGISTRES de Parlement.



E v par la Cour toutes les Chambres assem-
 blées, les informations & continuation d'i-
 celles faites, suivant les Arrests de ladite
 Cour, les vnze, treize, quatorze, seize, 17.
 dix-huit, & 21. Decembre dernier & dix-
 huit du present mois par les Conseillers à ce
 commis à la requeste du Procureur General du Roy, de-
 mandeur pour raison de l'émotion arriuée au Palais, & as-
 semblées faites en cette ville de Paris ledit iour vnze De-
 cembre: Autres informations faites par les Lieutenans Ci-
 uil & Criminel du Chastelet coniointement: Autre infor-
 mation faite par ledit Lieutenant Criminel les douze &
 treize dudit mois de Decembre, à la requeste du Substitut
 dudit Procureur General: Arrests de ladite Cour desdits
 treize Decembre & quatorze ensuiuant, par lesquels auroit
 esté ordonné, que les nommez la Boulaye, Germain La-
 gneau & autres vestus de differentes couleurs, designez es-
 dites informations, seroient pris au corps & amenez prison-
 niers en la Conciergerie du Palais: Autre Arrest de ladite
 Cour du vingtième ensuiuant, par lequel auroit esté or-
 donné que le nommé Roquemont cy-deuant Lieutenant
 de la Compagnie dudit la Boulaye, seroit ouï & interrogé
 sur le contenu esdites informations, circonstances & de-
 pendances, cependant demeureroit prisonnier en la Con-
 ciergerie du Palais, pour ses interrogatoires veus estre fait
 droiet ainsi que la Cour verroit estre à faire: Interroga-
 toires à luy faits par lesdits Conseillers commis ledit iour
 vingtième Ianuier, contenant les reconnoissances, con-

fessions & denegations, Conclusions dudit Procureur General : Arrests de ladite Cour desdits vingt & vingt deux dudit mois , par lesquels entr'autres choses avant faire droit sur lesdites Conclusions , auroit esté ordonné que François de Vendosme Duc de Beaufort, Pair de France, Iean François Paul de Gondy Archeuesque de Corinthe, Coadjuteur en l'Archeuesché de Paris. Mes Pierre Broussel Conseiller en ladite Cour, & Louis Charreton aussi Conseiller en icelle, & President aux Requestes du Palais, se retireroient. Requestes par eux présentées les sept & dix dudit present mois, à ce que sans auoir esgard ausdites Conclusions , il fut à leur esgard procedé au Iugement desdites informations, prealablement & separement d'avec les autres; & ce faisant enuoyez absous, sur lesquelles Requestes auroit esté ordonné qu'en iugeant, ladite Cour feroit ce qu'il appartiendrait : Autre Arrest d'icelle du 12. dudit present mois, par lequel entr'autres choses, auroit esté ordonné que l'opinion commenceroit à leur esgard: Autre Arrest du dix-sept ensuiuant, par lequel auroit esté ordonné que Maistres Desmartineaux, & Belot Aduocats detenus prisonniers par l'ordre du Roy , seroient par lesdits Conseillers commis ouïs & interrogez sur le contenu desdites informations. Interrogatoires à eux faits par les Conseillers commis lesdits jours 17. & 18. dudit present mois, contenant leurs confessions & denegations: **TOUT CONSIDERE'**, Il sera dit, que la Cour a déclaré & declare n'y auoir eu lieu de comprendre en l'accusation & esdites Conclusions du Procureur General, lesdits de Vendosme Duc de Beaufort, Gondy Coadjuteur, Broussel & Charreton: Ce faisant les a renuoyé & renuoye de ladite accusation & seron inuitez de venir prendre leur Place. Fait en Parlement le vingt-deuxiesme Ianuier, mil six cens cinquante.

Signe,

LE TENNEVR.